



Naalakkersuisut siulittaasuannut
/Maani

Ulloq: 12. november 2013

J.nr.: 01.37.01.03-00075

UKA 2013/18 Nuummi umiarsualivik pillugu malitseqartitsilluni apeqqukit

Nuummi umiarsualivik pillugu Ataatsimiititaliap apeqquqaannut Naalakkersuisut akissutai ull. 18. oktober 2013 aamma 1. november 2013 ullulernerqarsimasut Ataatsimiititaliamit figunerqarsimasut nangillugit Ataatsimiititaliap ajoraluartumik maluginiarpaa, tunngavissaqarluarsinnaanissamut siunnersuummut pissutsit arlallit naammattumik suli ersarissarneqarsimannginnerat isumaqartoq, taamatuttaaq apeqqukit nutaat arlallit siusinnerukkut akissutinit pilersimallutik. Taamaalilluni malitseqartitsilluni apeqqukit uku aamma Naalakkersuisunit Ataatsimiititaliamit akeqquneqarput:

1. Assartuussineq pillugu Isumalioqatigiissitap isumaliutissiissutaani Nuummi umiarsualivimmut nutaamut akissaajaatit tamarmiusut 416 mio. kr.-inut missingerneqarsimapput. Ataatsimiititaliap apeqquqaannut Naalakkersuisut akissutaanni kingullerpaami takunerqarsinnaavoq, umiarsualivimmut akissaajaatissat tamarmiusut 715 mio. kr.-inut missingerneqarsimasut. Naalakkersuisunut uku nassuiaatigeqquneqarput:

A) Naalakkersuisut kingullerpaamik missingiinerannut tunuliaqutaasoq.

B) Taamatut annertutigisumik qaffariaateqarnermut tunuliaqutaasut.

2. Aalajangiiffigisassatut siunnersuummut uunga Naalakkersuisut ilisimatitsipput, ingerlatseqatigiiffissatut siunnersuutigineqartumut pilersitsinissami akissaajaatissat 40 mio. kr.-t missaani naleqassasut, kiisalu maanna umiarsualiviup nalinga ilannugunneqassasoq. Naalakkersuisut akissutaanni 18. oktober 2013 ullulernerqarsimasumi Naalakkersuisut ilisimatitsissutigaaq ingerlatseqatigiiffik nutaaq 180 mio. kr.-nik nammineerluni aningaasaliiffiusussatut missingersuusiortoqarsimasooq. Taakkunanit 70 mio. kr.-t tigorianaannagaasussaallutik, kiisalu 110 mio. kr.-t akisussaassusilimmik taarsigassarsiatut aningaasaliissutaanissaat eqqarsaatigineqartoq. Kingulleq taaneqartoq aningaasaliissutaassaaq Nukissiorfinnut taarsigassarsinermit killigitinneqartut annikillineqarneratigut. Tamanna tunuliaqutaralugu taamatut annertoqisumik 140 mio. kr.-inik qaffariaat Ataatsimiititaliamit nassuiaatigeqquneqarpoq.
3. Siunnersuutip siullermeerneqarnerani Naalakkersuisunit ilisimatitsissutigineqarpoq, piginnittuunermut tunngatillugu ingerlatseqatigiiffissatut siunnersuutigineqartumut Namminersorlutik Oqartussat kisimiillutik piginnittuussasut. Naalakkersuisut

akissutaanni 18. oktober 2013-meersumi Naalakkersuisut paasisutissiipput, piffissap ingerlanerani piginneqataasussanut amerlanerusunut Naalakkersuisut periarfissaqartitsisut.


A) Ingerlatseqatigiiffissatut siunnersuutigineqartumi piginneriaatsimut atatillugu Naalakkersuisut tigussaasumik pilersaarutaat Naalakkersuisunit nassuiaatigeqquneqarpoq.

B) Suna tunngavigalugu suleriaqqinnissamut Royal Arctic Line-mit, Kommuneqarfik Sermersuumit aamma/imal. Aalborg Havn-imit aningaasalersueqataaratarsinnaanermik aningaasalersueriaaseq Naalakkersuisunit toqqarneqarsimangila?

4. Naalakkersuisut akissumminni pilersitsinissamut aamma sanaartornermut inatsisissaq arlalitsigut innersuussutigaat. Pissutsit suut pilersitsinissamut aamma sanaartornermut inatsisissamut ilanngunneqartussatut eqqarsaatigineqarnerisut Naalakkersuisunit immikkut nassuiaatigeqquneqarput.
5. Kommuneqarfik Sermersuup kommunip tusarniaanermut akissutaa naapertorlugu umiarsualivimmut siunnersuisoqatigiit pillugitsiunnersuutaanut Naalakkersuisut isumaat Naalakkersuisunit nassuiaatigeqquneqarpoq.
6. Naalakkersuisut akissumminni 1. november 2013-meersumi Aalborgimit/Aalborgimut Kalaallit Nunaanni illoqarfinnit/illoqarfinnut assartuussinerup sivilisussusissaa pillugu tabeli Naalakkersuisut takutippaat. Tassani takuneqarsinnaavoq, illoqarfiit ilaannut assartuussinerup sivilisussusaa ajorseriaateqassasoq. Naalakkersuisut akissutaat tunngavigalugu tamanna nalaanneqassasoq naatsorsuutigineqarmat, illoqarfinnut ataasiakkaanut assartuussinerup sivilisussusia sooq sivitsussanersoq Ataatsimiititaliap nassuiaatigeqquaa.
7. Assersuutigalugu Sisimiunit, Aasiannit aamma Uummannamit Aalborgimut assartuussinerup sivilisussusianut atatillugu maanna pissutsinut naleqqiullugu aalisakkanik avammut nioqquteqarnermi atugassarititaasut ajorserianginnissaannut Naalakkersuisunit isumannaarneqarnissat qanoq eqqarsaataanersoq Naalakkersuisunit nassuiaatigeqquneqarpoq.
8. Taamatut illoqarfiit ilaannit misigineqartussatut assartuussinerup sivilsornerani aalisakkanik avammut niuernermit atatillugu usit sumi qanorlu uninngatinneqartarnissaat Naalakkersuisut naatsorsuutigaat, aamma tassunga atatillugu inuussutissarsiortut amerlanerusunik akissaajaateqarnissaat naatsorsuutigineqarsinnaava?
9. Naalakkersuisut akissutaanni 18. oktober 2013-meersumi usit avannaanukartut pillugit akigititat naatsorsuutigineqartutut allangoriartornerat takutinneqarpoq. Usit kujataanukartut pillugit usinut akigititanik taamatut naatsorsuutininik Ataatsimiititaliap piumasaqarpoq.

Kalaallisut danskisullu apeqqutinut qulaani taaneqartunut akissutit **kingusinnerpaamik tallimangornermi 15. november 2013** Ataatsimiititaliap tigorussuppai, tamannalu tunngaveqarpoq aappassaaneerneqarnissaanut piffissap suliarinniffissap sinneruttup sivikinnera. Aamma piffissap suliarinniffissap sinneruttup sivikinnera pissutigalugu akissut naatsoq suliamullu toqqaannartumik tunngassuteqartut qinnutigineqarput. Akissutip assinga qarasaasiakkut uunga nassiuteqquneqarpoq: rifre@inatsisartut.gl.

Inussiarnersumik inuulluaqqusillunga


Karl-Kristian Kruse
Ataatsimiititaliami siulittaasoq